

Ha'u nia respeito ba representante-sira husi PNTL no F-FDTL. Ba ita-nia organizadór sira husi IOM, kolega sira husi Governu Timor-Leste, organizasaun internasionál sira, no ONG sira, onra ida bele ida simu ita-boot sira mai iha Fórum Nasionál Komunitade nian ba Tráfiku Umanu.

Ha'u hakarak konta istória ida. Elly Anita, feto klosan ida husi Indonézia kandidata-an ba sai sekretária ida iha Dubai, haree-ba hanesan servisu di'ak ida.

Maibé sira nunca haruka nia ba Dubai. Haruka fali nia ba Irak, iha ne'ebá nia kontinua hetan problema ho nia ajénsia servisu nian. Too ikus, nia rejeita atu serbisu, no sira baku nia, ameasa nia, no se pistola ba nia ulun.

Nia konsege dunik halai sai bainhira fatin-servisu mamuk, maske hetan baku besik atu mate. Nia uza internet hodi haruka e-mail ba kolega ida, ne'ebé tuir mai liga nia ba iha ofisiál sira embaixada nian, no ba ema sira ne'ebé serbisu iha Indonézia nia organizasaun Atendimento ba Migrante. Sira kontaktu ho Organizasaun Internasionál ba Migrante, ne'ebé ajuda nia hodi halai-sai, maski kuaze atu lakon nia moris.

Nia fila hikas ba Indonézia no sai defensora kontra tráfiku traballadór sira liuhusi nia servisu Atendimento ba Migrante, organizasaun ne'ebé ajuda ona nia. Nia konsege salva ema lubuk ida husi ajénsia iha Irake ne'e, no kontinua luta ba traballadór migrante sira-nia direitu sira.

Elly Anita hetan onra hanesan “Relatóriu TIP nia Erói ne'ebé Atua hodi Hapára Eskravatura Modernu” nu'udar rekoñesimentu ba nia esforsu sira hodi kombat tráfiku umanu.

Ha'u fahe istória ne'e ho imi hodi hametin individu sira no organizasaun sira nia impaktu signifikante ne'ebé bele halo iha luta hasoru tráfiku umanu. Imi-nia dedikasaun hodi kombat tráfiku umanu lá'os deit fó inspirasaun, maibé mós nesesáriu.

Estadus Unidus mós nu'udar líder kompremetidu ida iha kombate hasoru ameasa globál ida ne'e. Estadus Unidus nia Sekretáriu Estadu Negósiu Estranjeiru Michael R. Pompeo hatete:

“Tráfiku umanu halakon ema tokon ba tokon iha mundu tomak nia dignidade no liberdade. Ameasa seguransa nasional, estraga merkadu, no hariku kriminozu transnasionál sira no terorista sira. Kombate tráfiku umanu lá'os deit kestaun morál ida ka ida ne'ebé afeta interese sira ema Amerikanu nian; nia mós hanesan kestaun ida ne'ebé ameasa dame no seguransa internasionál.”

Rekoñesimentu ba efektu devastadora husi tráfiku umanu sae ba bebeik tinantinan. Liu nasaun 170 maka halo ona kompromisu públiku hodi elimina problema ne'e, promete medidas preventivas, kastiga trafikante sira, no kuida vítima sira.

Maibé, governu nasional sira labele rezolve problema ne'e mesak deit. Susesu prezisa kooperasaun no koordenasau husi governu nasional iha nível altu tuun too iha funsionáriu sira no kliente sira iha negósiu lokál sira.

Estadus Unidus sente orgulhu apoia servisu husi ami-nia parseiru sira hodi kombate tráfiku umanu.

Iha Timor-Leste, Estadus Unidus fornese ona apoiu hodi analiza kapasidade autoridade aplikasaun lei nian hodi responde ba tráfiku umanu, formasaun ba membrus governu no sosiedade sivil hodi kombate tráfiku iha populasaun sira ne'ebé iha risku-nia laran, no kapasita instituisaun aplikasaun lei sira hodi halibur dadus no jere kazu tráfiku umanu sira ho di'ak liu tan.

Estadus Unidus mós dokumenta atividade tráfiku umanu iha mundu tomak, no oferese matadalan no insentivu sira hodi elimina tráfiku umanu. Ami fahe rezultadu sira no rekomendasaun sira ho comunidade internasionál liuhusi Relatóriu Tráfiku Umanu.

Relatóriu Anuál ne'e nu'udar rekursu governu nian ne'ebé komprehensivu liu iha mundu kona-ba esforsu sira kontra tráfikú umanu no refleta governu Estados Unidus nia kompromisu nu'udar líder globál kona-ba kestaun xave direitus umanus no aplikasaun lei ne'e.

Nasaun ida-idak, inklui Estados Unidus, bele no tenke halo barak liu tan.

Reprezentante sira husi membru governu sira, organizasaun sira, no sosiedade sivil sira ne'ebé marka prezensa ohin iha ne'e sai hanesan esperansa di'ak liu hodi elimina tráfikú umanu iha Timor-Leste.

Ohin oradór seluk mós koalia kona-ba “Kampeaun”. Katak tenke iha dunik kampeaun iha luta kontra tráfikú umanu. Ami-nia ekipa bainhira hakerek kona-ba istória Elly Anita nian, sira halo peskiza iha website: www.TIPHEROES.ORG. Infelizmente Timor-Leste seidauk iha istória erói hanesan Elly Anita maibé hein katak aban bainrua sei iha erói hanesan nia.

Timor-Leste hasoru obstákulu lubuk ida iha luta kontra tráfikú umanu. Kiak, laiha servisu, fronteira loromonu frájil, no kontrabandu ativu kria ambiente buras ba trafikantes ema sira.

Servisu hamutuk ho parte hotu-hotu fundamental tebes iha luta ida ne'e. Estados Unidus apresia parseria sira ne'ebé ami halo ona ho Timor-Leste ho IOM no organizasaun bara-barak ne'ebé reprezentadu ohin iha sala ida ne'e. Ami hein ba oin kontinua diálogu ho ita-boot sira hotu.

Ami mós sente orgullu haree ba papel lideransa asumi husi Jacinto Amaral husi IOM iha luta kontra tráfikú umanu. Jacinto ba vizita ona Estados Unidus hanesan parte ida husi Programa Lideransa ba Vizitante Internasionál no aprende ona kona-ba prátikú di'ak liu iha protesauun ba vítima, kooperasaun iha área aplikasaun lei, no harii kapasidade comunidade nian hodi kombaté no prevene tráfikú umanu. Ami hatene katak nia sei kontinua halo buat di'ak barak ba Timor-Leste.

Ha'u kontente haree prezensa no partisipasaun iha fatin ne'e. Ha'u hein katak imi hotu sei aproveita vantajen husi komidade oin-oin ne'ebé ohin prezente iha ne'e hodi harii ligasaun sira ne'ebé bele hamosu kolaborasaun no koordenaun. Hanoin ho kreativu, rezolve problema iha nível nasional no lokal, no aproveita tempu hodi kria relasaun foun sira. Obrigadu barak ba iminia tempu no atensaun.

Obrigadu barak!